



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 16. Sessio Octava.

[urn:nbn:de:hbz:466:1-66082](https://nbn-resolving.de/urn:nbn:de:hbz:466:1-66082)

die, nempe decimo tertio Februarii ce-Sæculum VII.
lebrata. Tota Collectione Textuum ex A.C. 681.

Patribus & Hæreticis, quam Legati Pon-
tificii produxerant, a Stephano Presby- p. 724.
tero & Monacho, eos Constantinopo-
lim secuto, perlecta, quæsivit Imperator,
an alias præterea haberent. Respon-

derunt: *Quamvis plurimos alios pro-Anast. in
ducere possemus, satis nobis est hos attu- Agath.
v. Conbefis.
lisse, ne longa mora tibi fastidii causa si-pro att. Syn.
mus. Sed a Te suppliciter rogamus, ut §. 2.*

Archiepiscopi Georgius & Macarius in-
terrogentur, an omnia, quæ in duabus E-
pistolis Agatbonis Papæ & Concilii ejus
continentur, recipiant. Tum Georgio
& Macario petentibus, ut priusquam re-
sponderent, ipsis istarum Epistolarum ex-
empla, descripta traderentur, quæ cum
exemplis Bibliothecæ Constantinopoli-
tanæ conferrent, concessit Imperator,
quod rogabant, jussitque, ut Collectioni
Textuum, a Romanis productorum, tam
Magistratus, quam adversæ partes, sicut
prius Macarii Voluminibus, signa impi-
merent. Id quoque effectui datum.

§. XVI.

Sessio Octava.

Sessio octava deinde post Septimanas
tres, nempe septimo die Martii, Indi- p. 729.
ctione nona, anno 681. celebrata. Im-
peratori quærenti ex Georgio Constan-

Dd 2 tine-

Sæculum VII in politano, ex Macario Antiocheno,
 A.C. 681. & Episcopis, qui ipsis subjiciebantur, an
 sensum duarum Epistolarum Agathonis
 Papæ, & ejus Concilii reciperent, Geor-
 gius Patriarcha respondit : *Auguste!*
Legi has Epistolas, tumque libris, qui a-
pu'd me in Biblioteca Patriarchali sunt,
diligenter examinatis, omnes Patrum
Textus ab ipsis adductos Scriptis Authen-
ticis consentaneos sine ullo prorsus discri-
mine inveni. Hinc ego quoque has Epi-
stolas recipio, fateor! & hæc est Fides
mea. Theodorus Episcopus Ephesinus
 dixit: *Princeps! confiteor, & credo,*
quæ in illis duabus Epistolis continentur;
duas Naturas, duas Voluntates, & duas

p.732. *Operationes in JEsu Christo esse.* Idem
 Sisinnius Heracleensis in Thracia, Geor-
 gius Cyzicenus, Joannes Calcedonensis,
 Sisinnius Hierapolitanus in Phrygia,
 Georgius Byziensis in Thracia, Grego-
 rius Mitylenensis, Andreas Methymnen-
 sis, Sergius Selymbricensis, Domitius
 Prusiadenus, & Genesius Anastasiopoli-
 tanus confessi sunt.

733. At Theodorus Episcopus Melitinen-
 sis in Armenia in medium prodiens di-
 xit: *Auguste! vir sum simplex & rusti-*
cus; sed rogo ut hic libellus legatur.
 Eum igitur Joannes, Imperatori ab Epi-
 stolis, legit. Ea vero summatim conti-
 nebat: *Patres, quorum Textus amba*
Partes

Partes adversæ referunt, ante Quintum Sæculum VII
Concilium vivebant; quare ergo nullum A. C. 681.
ex quatuor Conciliis, nec etiam Quintum, nihil aliud de Incarnatione doceri
præcepit, nisi duas Naturas in una Per-
sona? Hinc Majestatem tuam, cuius sol-
licitudo de pacandis Ecclesiis maxima
laude digna est, rogamus, ut non permit-
tas, quemquam limites Patrum nostrorum
transgredi, aut mortuorum aliquem ac-
cusari, sive unam Operationem & unam
Voluntatem, sive duas Operationes &
duas Voluntates docuerit, nisi ex nume-
ro Hæreticorum a Conciliis Damna-
torum sit.

Imperator jussit Theodorum edicere,
quiam cum ipso hunc Libellum compon-
suissent. Ipse nominavit Petrum Episco-
pum Nicomediensem, Salomonem Cla-
niensem, Antonium Hypepiensem, & a-
lios, quorum consilio Patriarcha Constan-
tinopolitanus utebatur, scilicet, Geor- ^{Libellus}
Theodori
gium Diaconum & Tabularum Custo- ^{Melitinenſis}
dem, Anastasium Diaconum, Notarium,
& Navigiorum curatorem, Stephanum
& Dionysium ambos Diaconos & Tabu-
larios, Anastasium Presbyterum & Mo-
nachum, & tandem Stephanum Presby-
terum & Monachum Patriarchæ Antio-
cheni Discipulum. Rursus quærenti Im-
peratori: *Quis tibi Libellum dedit, quem
nobis obtulisti?* Theodorus Melitensis

p.736.

Dd 3 respon-

Sæculum VII respondit: *Hic Abbas Stephanus, eum.*
A C. 681. que simul digito retro Sedem Macarii Antiocheni stantem ostendit.

Tunc ulterius suffragia Episcoporum Sedi Constantinopolitanæ subjectorum collecta, & Georgius Episcopus Camillianensis dixit: *Auguste! Epistolas duas Agathonis Papæ recipio, consentio, credo, & confiteor duas Voluntates Naturales & duas Operationes.* Plato Cinnanus, & Theodorus Verissanus eadem confessi sunt, cumque quatuordecim illi Episcopi singulatim fidem suam fuisse professi, omnes reliqui Episcopi ex Diccesi Constantinopolitana exclamarunt, eandem sibi stare sententiam, duas se Voluntates & duas Operationes credere, & omnes illos, qui unam tantum affirmarent, anathematizare.

De Theodori Libello deinde redit sermo, ipse surgere & in medio Concilii cum Episcopis & Clericis, quos nominaverat tanquam opinionem suam sequentes, stare jubetur. Omnes, excepto Stephano Macarii Discipulo, eum mentum fuisse edixerunt in hunc ferme modum: *Falsum de nobis affirmat. Libellus, quem tradidit, nobis insciis scriptus est.* Nos Fidem Orthodoxam confiteri nullatenus recusamus. Nihilominus existimaron Patres, ob Theodori Libellum aliquam suspicionem in eos cadere, a qua

p.737.

ut se liberarent, in secutura Sessione Fi-Sæculum VII
dei suæ Confessionem coram Sanctis Ev. A. C. 681.
angeliis traderent.

Tum vero Georgius Constantinopolitanus, propius Imperatori admotus dixit: *Auguste! jube, ut Nomen Vitaliani Papæ Diptychis restituatur; deletum enim fuit, post Libellum supplicem nomine Ecclesiae meæ, Macarii Antiocheni, & Episcoporum, tunc Constantinopoli præsentium, tibi traditum, cum Legati Roma missi in via retardarentur. Jube etiam ut nobis Libellus reddatur, & illico cognoscas, quinam cum Ecclesia Catholica communicent, aut quinam unius vi-ri causa se separant.* Imperatore annuente, exclamavit Concilium: *Plurimos annos Constantino Magno Imperatori! Imperatori Catholico, Fidei Conservatori, Imperatori pacifico, alteri Constantino, alteri Theodosio, alteri Marciano, alteri Justiniano annos plurimos! longam vitam Agathoni Papæ! Georgio Patriarchæ, & Senatui vitam felicem & longam!*

Cunctis deinde silentibus Imperator a Concilio rogatus jussit, ut Macarius Antiochenus Fidem suam de Trinitate, Incarnatione & duabus Voluntatibus profiteretur, & mentem suam aperiret, an Epistolas Agathonis Papæ recipiat. Macarius respondit: *Non admitto duas*

p. 748.

Dd 4 Vo-

Sæculum VII Voluntates, aut duas Operationes, sed u.
A. C. 681. nam Voluntatem & unam Operationem
 Theandricam. Concilium dixit: *Quis Macarius non consentit Agathonis Papa Epistolis, quas nos omnes recepimus, videtur nobis, præcipiendum esse, ut de Sede sua surgat ad rationem reddendam.* Tunc Episcopi quinque, Sedi Antiochenæ subjecti, scilicet Macrobius Seleuciensis in Isauria, Eulalius Zenopolitanus, Constantinus Dalisandinus, & Theodorus Olbanensis surrexerunt, dicentes, se Epistolas Agathonis Papæ recipere, atque duas Voluntates & Operationes credere.

§. XVII.

Macarius condemnatur.

Jussit deinde Imperator, ut Photinus Notarius suus tria Volumina Textuum a Macario productorum, quibus erat Sigillum impressum, afferret, & Macario fatente, inviolatum esse, quæsivit Imperator, quem in finem hos Textus excerpisset. *Hi Textus,* respondit Macarius, *agunt de unica Voluntate Patris Domini Nostri JEsu Christi & Spiritus Sancti.* *Quid vero,* reposuit Imperator, *de Incarnatione credis?* Macarius Fidem suam explicare cœpit, cumque de Confessione Fidei, quam Imperatori tradiderat, mentionem faceret, jussit ut ea legere-

p. 741.